

JACOB AÑWANA MBOK YE “OWO”

Genesis 32:1-32; 35:9-15

QYQHỌ UKPEP-ÑKPỌ 25 – Eke Ikpọ Owo

IKỌ IBUOT: “Enyuñ enọ enye ndisine ediye linen eke asanade onyuñ esemde; Koro ediye linen oro edi edinen ido nti ikọt Abasi” (Eriyarare 19:8).

I Isañ Unyọñ Jacob

1. Mme angel Abasi esobo ye enye, Genesis 32:1, 2; Mme Hebrew 1:14; Psalm 91:11; 34:7
2. Qdọñ utom ọnọ Esau, Genesis 32:3-5
3. Mme isuñ-utom efiak edi ye ibọrọ, Genesis 32:6-8; Deuteronomy 1:17; Mme Ñke 29:25; Isaiah 51:12; Luke 12:4, 5

II Ọkpọsọñ Akam Jacob

4. Ọbọ mme eñwọñọ Abasi, Genesis 32:9-12; 22:17; 31:3; Job 5:19; Psalm 91:4, 15
5. Mbeñe-idem ndinam emem ye Esau ye Edineñere Ukwañ Usuñ, Genesis 32:13-15; Leviticus 6:4; Luke 19:8, 9; Utom Mme Apostle 24:16
6. Item emi ọnọde nditọ ufọk esie, Genesis 32:16-20, Mme Ñke 6:3; 22:4

III Jacob Ayak Idem Ọnọ Abasi

7. Ọnọ kpukpru se enye enyenede ebe idim, Genesis 32:21-23
8. Ọsuhọ ikpọñ ye Abasi, Genesis 32:24; Daniel 10:8; Matthew 6:6
9. Añwana mbok ye owo tutu eyo esiere, Genesis 32:24-26; Hosea 12:4; Matthew 7:7; James 5:16
10. Edidiọñ emi enye ọkọbọde oro edi Edinam Asana, Genesis 32:27-32; 17:1-10; 35:9-15; Leviticus 20:8; John 17:15-17; Ñwed Mbon Ephesus 5:25-27; 1 Ñwed Thessalonica 4:3; Mme Hebrew 13:12; 1 John 4:18.

SE EKPEPDE EBAÑA

Ke Psalm 91, ke ufañ 11, nnyin imokot ite ke Abasi eyewuk mme angel Esie abaña nnyin, ete ekpeme nnyin ke kpukpru usuñ nnyin. Edisobo emi ewetde ke akpa ufañ itie ukpep-ñkpọ nnyin, ke akpanikọ ekedi akamba nsọñọ-idem ọnọ Jacob, oro okonyuñ edi uduak Abasi ke abaña edisobo oro.

Ke mme udim enyọñ ema ekeyarare idem, Jacob ama ọnọ nditọ ufọk esie akpan etop esok Esau, eyeneka esie. Etop oro ọkọyọhọ ye uyo nsuhọre idem, “Ntem ke Jacob owo fo ọdọhọ ete,” ñko ye mme ikọ emi ekpeñwamde ndisio ndik ke esit Esau mfep ke abaña mme ñkpọ efen ndika iso ntak enye. Mme ekikere oro ema etim eñwaña ke ini enye (Jacob) ọdọhọde ete: “nnyuñ nnyene enañ, ye ass, ye erọñ, ye ebot, ye ifin iren, ye ifin iban: nnyuñ ndọñ editiñ enọ ọbọñ mi, man afo enen iso ye ami” (Genesis 32:5).

Nte ededi, mme isuñ-utom oro ema enyọñ edi ye etop emi okotimerede Jacob eti eti onyuñ anam enye okop ndik. Ndik emi ama anam Jacob ọtọñọ ntak owut spirit nsukidem ke akam emi enye ọkọbọñde ọnọ Abasi, emi enye etide Abasi mme eñwọñọ oro: “Abasi ete mi Abraham, ye Abasi ete mi Isaac, Jehovah emi ọdọhọde mi ete, Fiak ka ke isọñ fo ye obio emana fo, ndien ami nyefon ye afo: ñkpekpri ñkan kpukpru ufon, ye kpukpru akpanikọ emi afo akanamde ye owo fo” (Genesis 32:9, 10).

Edikabare esit ọyọhọ-ọyọhọ esisaña ye udọñ ndineñere ukwañ usuñ, oro edi ndisana ñkpọ emi owo akadade ke idiok usuñ nyak. Zacchaeus ama ọsọp ndiyarade spirit emi ke ini enye okosobode ye Ọbọñ onyuñ okutde utibe ukpuhọre ke esit esie (Luke 19:8). Ndien ekeme ndidi Jacob ama enyene udọñ ke utọ idaha emi ndinọ eyen eka esie enọ eke enyenede ukpono ke usiene ñkpọ emi akatakde enye ke ikpohidem ke emi enye ọkọbọde itie akpan ye edidiọñ esie (Ezekiel 33:15). Ekedi ido mme edue ndudue ndinọ mmọ emi mmọ eduode enọ, man enam emem. “Nyenam iso eneñere enye ke enọ emi ebemde mi iso, ndien nyekut iso esie: mme iso esie eyenen ye ami” (Genesis 32:20).

Ndifioke ọyọhọ ọyọhọ nte ke uñwam Abasi odu, ñko ke imọ ida ke idiok idaha emi iyomde ñkpọ ito Abasi, ama edemere Jacob ndinam ata ntọtuñọ ediyak idem: ndien nnyin imokut nte enye ọnọde kpukpru se enye enyenede ebe ekpri idim, onyuñ ọsuhọ ikpọñ ye Abasi.

Ediyak idem nnọ Abasi edi itiat idak isọñ ofuri ñkpọ emi nnyin ibode ito Enye. Ke nnyin ima ikayak kpukpru ñkpọ idori ke itie uwa, Abasi oyom nnyin ibọñ akam tutu nnyin ikop ito Heaven. Enye ọnọ nnyin item ete yak

ikudop akam: koro imenyene eñwōñ Esie ndibō ibōrō (Psalm 86:7). Jacob ikonyimeke etre ndidiōñ enye, ama onyuñ añwana mbok ye “owo” tutu edidiōñ edi: “Nsanake fi nyak, ke mmudiōñke mi” (Genesis 32:26).

Emi ekedi nnen-nnen ini emi Jacob okobode edinam asana. Okonyuñ edi ukem nte ekenamde Abraham asana ke ini Abasi okonode enye ediomu edina mbobi (Genesis 17) onyuñ okpuhorede enyiñ esie Abram ete edi Abraham, ntre ñko ke ekenam Jacob asana ke emi, ndien Jacob (“andituk”) akabare edi Israel (“akpan Abasi”).

Ekeme ndidi edibup emi Jacob okobupde owo emi akañwanade mbok ye enye ete asiak enyiñ esie onō imō ekedi nditim nsōñ se Jacob ama ekebem iso ofiok, oro edi ke imō imañwana mbok ye owo eke okponde akan owo: “Mma ñkut Abasi iso ye iso, Enye onyuñ onim mi uwem” (Genesis 32:30). Edi akpanikō ete ke Jacob ama akañwana mbok ye utibe owo emi ke ofuri okoneyo, enye ama edifiok ndien ete ke imō ikañwanake mbok ye ata owo, koro ekikoī Jacob ama efebede oto ke edituak emi “owo” oro akatuakde enye.

Jacob ama onyuñ ebeñe edidiōñ oto owo emi akañwanade mbok ye enye, emi owutde ete ke enye ama ofiok ete ke owo oro ekeme ndidiōñ imō, ke enye ndidohō nte ke imō idisanake “owo” oro iyak ibohoke imō ibō edidiōñ.

Ekeme ndidi anyan ini uñwana mbok oro okoto ke ntak emi Abasi okoyomde nyak-idem oto Jacob, emi enye mikonyimeke ndinam. Edi ama oto ke enye ndiyak idem ke akpatre, ye edisōñ nyire esie, ye mbuotidem esie, ema enō enye enō edinam asana enyuñ ekpuhore enyiñ esie ete edi Israel: “Enyiñ fo idikereke aba Jacob, edi Israel: koro afo amañwana ye Abasi, omonyūñ añwana ye owo, onyuñ akan” (Genesis 32:28).

Edinam asana ini Akani Ediomu edi ukem ukem ye eke Obufa Ediomu. Uduot Adam osuk odudu uwem kpa ke idem ini emi owo ama okobō erifen ndien enyene ndiwubede enye ofuri ofuri. Jacob, kpa nte edide ye kpukpru ubon owo, ama enyene nda-mmana uduot idiok-ñkpō, ndien enye ama oyom edikan. Enye ikekemeke ndinam idiok-ñkpō ndien osuk aka iso enen ke iso Abasi, koro “baba owo kiet eke Abasi okobonde inamke idiok-ñkpō.” Enye ama oyom ete ewubere nda-mmana idiok-ñkpō oro efep, ama onyuñ enyene enō emi. Ediyak idem ekedi ñkpō emi enyenede ndinam (Ñwed Mbon Rome 12:1), ema enyuñ enyene ibōrō (Leviticus 20:8), nte okowutde idem ke uwem akwa owo Abasi emi toto ke ini oro.

MME MBUME

1. Nso ñkpō nsōñ-idem ke Jacob osobo ke usuñ isañ esie?
2. Nso etop ntimere-esit ke mme isuñ-utom oro eda efiak edi?
3. Nso ke Jacob anam ke ini enye okopde se mme isuñ-utom esie etiñde?
4. Nte Abasi ama onō Jacob ntak ndinim nte ke Obōñ eyedu ye enye ke isañ unyōñ esie?
5. Nso isidi ata akpan ñkpō emi enyenede ndinam man ebō edidiōñ eto Abasi?
6. Nte Jacob ama anam ntre? Didie?
7. Nso ke ida idomo ke Jacob ndiñwana mbok ye owo?
8. Nte ibōrō emi Jacob okobode ama ekem ye udōñ esie?
9. Nso edidiōñ ke enye okobō?
10. Ewe akwa owo Abasi ke eset okobō ukem edidiōñ emi enyuñ ekpuhore enyiñ esie?